



10411

世史正綱卷十五

○南北朝世史

南

陳 姓陳氏 都建康

北

北齊 姓高氏 都鄴

周 姓宇文氏 都長安

戊寅 ○ 後梁大定四年 周主統二年 陳末定二年 北齊天

梁王琳伐陳遣使乞師于齊

周宇文護自為太師

齊以王琳為梁丞相立永嘉王莊于郢州

陳霸先弒故梁主方智

齊以高演錄尚書事

齊主洋幽其弟浚渙于地牢殺之

巳卯 ○ 後梁大定五年 陳末定三年 北齊天保十年 周明帝三年十月以後 武成元年

周改都督為總管

夏五月朔日有食之

齊高洋殺魏宗室二十五家又殺元氏七百

二十一人

陳主霸先死兄子儋立 是為文帝



戊集



周宇文毓始僭帝號

齊主高洋死子殷立

是為濟南王

庚辰

○後梁大定六年

齊主殷乾明元年

周主高天嘉元年八月以

後周主演皇建元年

梁丞相王琳伐陳敗績與梁主莊奔齊

齊高演殺尚書令楊愔等自為丞相都督中

外諸軍事

陳遣使如周

周宇文護弒其君毓立毓弟邕

是為武帝

齊高演廢其主殷為濟南王而自立

是為孝昭

辛巳

○後梁大定七年

周主邕保定元年

北齊主

周宇文護自加都督中外諸軍事

齊以梁王琳為揚州刺史

夏四月朔日有食之

周鑄布泉錢

齊高演弒其故主殷

冬十月朔日有食之

齊主演死弟湛立

是為武成

廢其太子百年為樂

陳王

陳立鹽賦權酤法

壬午○後梁天保元年寧二年四月以後陳天嘉三年周保定二年

齊以和士開為黃門侍郎

陳改鑄五銖錢

齊始聘陳

後梁主營卒子歸立

陳安成王瑒歸自周

秋九月朔日有食之

齊主湛烝故后李氏殺其子紹德

癸未○後梁天保二年周保定二年陳天嘉四年北齊河

春三月朔日有食之

周主養老子太學

甲申○後梁天保三年周保定四年陳天嘉五年北齊河

齊主及周師戰于晉陽周師敗績

春二月朔日有食之

周初令百官執笏

古者笏以記遺忘而已執以為禮始此

夏六月白虹貫日齊主湛殺前太子百年

秋八月朔日有食之

周封李昉為唐公

唐之基兆于此

齊人歸宇文護母于周

周宇文護會突厥侵齊

齊人大敗周師于洛陽

周滅宕昌置宕州

乙酉

○後梁天保四年陳天嘉六年北齊河清四年四月以後齊主緯天統元年周保定五年

周遣使如突厥逆女

夏四月彗星見

齊主湛傳位於其子緯疑為自稱太上皇帝

以祖珽為秘書監

秋七月朔日有食之

丙戌

○後梁天保五年陳大康元年北齊天統二年周天和元年

春正月朔日有食之

陳以孔奐為太子詹事

陳主蒨卒子伯宗立是為臨海王

陳以安成王頊為司徒錄尚書事徐陵為吏

部尚書

齊始用士人為縣令

丁亥

○後梁天保六年陳主伯宗光大元年北齊天統三年周天和二年

春正月朔日有食之

陳陳頊忌中書舍人劉師知僕射到仲舉殺之

齊以東平王儼為司徒領御史中丞坐舍光殿視事

周人梁人會華皎侵陳敗績

冬十一月朔日有食之

子

○後梁天保七年陳光大二年北齊天統四年周天和三年

陳陳頊自為太傅領司徒加殊禮

周納突厥文阿史那氏為后

夏六月彗星見

冬十一月朔日有食之

陳陳頊廢其君為臨海王殺始興王伯茂

齊故主湛卒

且巳

○後梁天保八年陳主頊太建元年北齊天統五年周天和四年

陳陳頊篡位是為宣帝

齊出胡后嬖臣和士開為兖州刺史既而留之太尉趙郡王叡以諫被殺復以士開為僕射

齊主以其嬖臣高阿那肱為尚書令韓長鸞

為領軍宮婢陸令萱為女侍中令萱子穆提
婆為侍中祖珽為秘書監

陳周復通好

庚寅

○

後梁天保九年

陳太建二年

北齊武

齊以斛律光為右丞相

陳廣州刺史歐陽紇反討斬之封陽春太守

馮僕母洗氏為石龍太夫人

陳陳頊弒故梁主方智

齊以和士開為尚書令

陳遣兵攻梁周人救之

史綱卷十五

六

冬十月朔日有食之

齊以梁蕭莊為梁王

辛卯

○

後梁天保十年

陳太建三年

北齊武

齊周戰于汾北周師敗績

夏四月朔日有食之

齊主第儼殺和士開

齊主殺其弟儼贈楚恭哀帝

齊主緯幽其母胡太后于北宮僧曇獻伏誅

壬辰

○

後梁天保十一年

陳太建四年

北齊武

元年

齊祖珽以諂陸令萱得為僕射

春三月朔日有食之

周主討其太師宇文護誅之

尹起莘曰權臣專制人君欲去之未有不反貽禍敗者觀魯昭曹髦之類可見矣後世遂以權臣為不可去往往付之無可柰何而遂已後周誅鋤大憝不動聲色除積年根據之患於一旦俄頃之間然後知大奸未有不可去之理特患人君無其志爾

周遷字文護書記庾季才大中大夫

史綱卷十五

七

周主親政以其弟齊公憲為大冢宰衛公直為大司徒

齊主緯信祖珽讒殺其左丞相咸陽王斛律光專以祖珽主機衡知騎兵外兵事

齊主廢后斛律氏立太后兄女胡氏又立穆氏為右后而以胡氏為左尋又廢胡氏

秋九月朔日有食之

癸巳

○

後梁天保十二年

武平四年

周建德二年

陳太建五年

北齊

陳取齊江北州郡

齊出祖珽為北徐州刺史

齊主殺其蘭陵王長恭

齊主遊南苑其從官暍死者六十人

陳敗齊師取山陽廣陵等城

周納隋公楊堅女為太子贊妃

隋篡周兆于此

陳克齊壽陽執梁王琳遂取徐州等城

齊主立婢馮氏為淑妃

甲午 ○後梁天保十三年 陳太建六年 北齊武平五年 周建德三年

春二月朔日有食之

周太后叱奴氏卒周主行三年喪

夏四月彗星見

史綱卷十五

周廢佛道教

周更鑄五行大布錢

乙未 ○後梁天保十四年 陳太建七年 北齊武平六年 周建德四年

春二月朔日有食之

夏四月有星孛于大角

周遣使如齊齊人留之

周主伐齊

冬十二月朔日有食之

丙申 ○後梁天保十五年 陳太建八年 北齊武平七年 十二月 陸化元年 周建德五年

夏六月朔日有食之

周主自將伐齊取平陽而還齊主偕其妃馮氏來攻之周主復至齊主大敗奔鄆穆提婆降周

周主以齊叛臣穆提婆為柱國

晉陽人立齊安德王延宗周主執之

丁酉 ○ 後梁天保十六年 陳太建九年 北齊

齊高緯傳位於其幼子恒周師圍鄆緯出走

周主入鄆齊鮮于世榮死之

周主贈齊故左丞相斛律光官

齊史綱卷十五

九

齊丞相高阿那肱引周師追其主緯及太子

恒獲之 是歲北齊亡六

齊廣陵王孝珩任城王湣起兵信都為周所

執

梁主朝周于鄆

周封高緯為溫公尋殺之夷其族

周主毀其宮室之壯麗者

冬十一月晦日有食之

齊范陽王紹義立于北朔州

戊戌 ○ 後梁天保十七年 陳太建十年 周主

周攻彭城獲陳將吳明徹

周主初製紗襪服之

此後世襪頭之始嗚呼自有此製以來三代古制遂不可復

周主邕伐突厥有疾而還卒其子贇立是為宣帝

以鄭譯為內史中大夫委以朝政

周主贇殺其叔父齊王憲

周立后楊氏

齊高紹義奔突厥

周以后父楊堅為上柱國大司馬

史綱卷十五

陳主及其群臣盟巳亥
後梁天保十八年 陳太建十一年 周主闡大象元年

周主殺其徐州總管王軌官正宇文孝伯

周主贇傳位於其子闡為帝自稱天元皇帝

立妃朱氏為天元帝后

周楊堅遣諸王皆就國

周鑄永通萬國錢一當千

周初作乞寒胡戲

周取陳江北地

瑛後梁天保十九年 陳太建十二年 周

周前主贊立五后

夏五月周前主贊率隋公楊堅自為大丞相
假黃鉞居東宮徵諸王還長安

周復佛道二教

周相州總管蜀公尉遲迥舉兵討楊堅

楊堅殺周宗室畢王賢趙王招越王盛陳王

純代王達滕王道

周青州總管尉遲勤鄆州總管司馬消難各

舉兵應相州

周楊堅自加都督中外諸軍事

史綱卷十五

十一

周益州總管王謙起兵于蜀

周尉遲迥兵敗死之

冬十月甲寅日有食之

周楊堅自為相國隋王加九錫

辛

○後梁天保二十年陳太建十三年周
大象三年二月以後隋主堅開皇元年

春二月周楊堅逐其主居別宮篡位國號隋

是為文帝

隋改周官名

隋主堅追尊其考為武元帝立其妻獨孤氏

為后子勇為太子諸子皆為王

楊堅廢其主闡爲介公廢周太后楊氏以爲

樂平公主盡滅宇文氏之族

是歲周亡五年

隋主謀併江南以賀若弼爲吳州總管韓擒

虎爲廬州總管

隋以蘇威爲納言威奏減賦役

隋放散樂禁雜戲

隋築長城

楊堅弑其故主闡

隋定服色始服黃

後世人君服黃始比

隋侵陳

史綱卷十五

十二

隋復鑄五銖錢

隋上柱國鄭譯有罪除名

隋初行新律

後世以笞杖徒流死定罪始此死刑二絞

斬流刑二自二千里至三千里徒刑五自

一年至三年杖刑五自六十至百笞刑五

自十至五十又制議請減贖官當之科以

優士大夫除訊囚酷法考掠不得過二百

行杖者不得易人枷杖大小咸有程式民

有枉屈縣不為理者聽以次經郡州省若
仍不為理聽詣闕伸訴自是法制始定凡
前代所謂梟輶鞭法盡去之矣唐得天下
制律一本乎此後世因之遂為百世通行
之法

隋聽民出家賦錢造佛圖經像

天立君以安民故民出財力以奉君以為
官闕朝廷郊廟學校軍國邊鄙之費雖曰
奉君其實以安已也佛於生人有何所益
乃至計口賦錢以為之寫書造像哉

周千金公主以突厥兵為周復讎伐隋

壬寅

○後梁天保二十一年陳太建十四年

陳主頊死其次子叔陵作亂伏誅子叔寶立

是為後主

隋以其諸子為行臺尚書令

陳遣使請和于隋

隋罷江陵總管梁主始專制其國

秋七月陳京口至荊州江水如血

八月夜有聲如風水相擊

癸卯

○後梁天保二十二年陳主叔寶至德元

春二月朔日有食之

隋遷于新都

隋弛酒鹽禁

隋詔求遺書

隋遣衛王爽伐突厥大破之

陳郢州叛降隋弗納

隋命左右僕射分判六部

六部之名始見于隋

隋與突厥盟

秋八月朔日有食之

史綱卷十五

十四

隋罷郡為州

隋更定律置博士

隋沿河置倉運粟以給京師

甲辰 ○後梁天保二十三年 春正月朔日有食之
開皇四年 陳至德二年 隋

梁主入朝于隋

隋作廣通渠鑿渭水至潼關

隋令公私文翰並宜實錄

隋與突厥和親

隋遣使如陳

陳起臨春結綺望仙閣

乙卯 ○後梁天保二十四年

陳至德三年

隋

春正月朔日有食之

隋初作義倉

此後世義倉之始度支尚書長孫平奏令民間每秋家出粟麥一石以下貧富為差儲之當社以備凶年名曰義倉民以為便後世置倉于州郡主之不得其人行之不得其道施之而不盡其委曲之詳適足以為民之害而已况欲賴其救饑荒之民哉

十六卷卷一五

十五

梁主歸卒于琮立

突厥遣子入朝于隋

陳中書通事舍人傅縡以直諫被殺

隋築長城

丙午 ○後梁主琮廣運元年 陳至德四年 隋

党項羗請降于隋

隋頒曆于突厥

頒曆外夷始此

隋制刺史上佐每歲入朝考課

丁未 ○後梁廣運五年 陳煬明元年 隋開皇

隋制諸州歲貢士三人

隋開揚州山陽瀆

夏五月朔日有食之

秋九月隋滅梁

是歲後梁亡三主三十三年通前四主共八十九年

陳臨平湖開陳主自賣於佛寺以厭之

西域大食人始至中國

此中國有回田人之始其國在玉門關外

萬里國俗惟祀天不為像設至是始有航

海至廣州者始於其地創寺禮拜然猶未

盛也至金元以後始蔓延于中國在在而

有所至輒相親而守其所謂教門者尤篤

云

戊申

○陳禎明二年隋開皇八年

隋遣晉王廣統諸軍侵陳

巳酉

○陳禎明三年隋開皇九年

隋滅陳獲其主叔寶斬張麗華誅其同惡施

文慶沈客卿陽慧朗徐祈暨慧景

是歲陳亡五主三十三年

三年

金履祥曰孟子言不仁而得天下未之有

也孟子以前未有不仁而得天下之事但

夷羿寒浞本身即已誅滅孟子以後固多有不仁而得天下者矣不但一再傳失之然子孫誅滅殆無遺類不止於猶不得而已孟子之言未嘗不驗也

陳湘州刺史陳叔慎起兵長沙

陳馮魂以嶺南地降于隋

○隋世史 姓楊氏 都長安

隋文帝 諱堅

庚戌 隋主堅開皇十年

殺楚州參軍李君才於殿內

令軍人悉屬州縣

制民年五十免役收庸

江南亂以楊素為行軍總管討平之

以定嶺表功封故刺史馮寶妻洗氏為譙國

夫人

辛亥 隋開皇十一年

平鄉令劉曠有異政擢莒州刺史

春二月晦日有食之

隋主以舊憾殺其弟滕王瓚

壬子 隋開皇十二年

秋七月晦日有食之

以楊素為僕射與高潁專掌朝政領軍大將軍賀若弼除名

免河北河東功調減田租

遣使均田

癸隋 開皇十三年

作仁壽宮

禁藏讖緯

秋七月晦日有食之

甲隋 開皇十四年

行新樂

始給公卿以下職田

詔高仁英蕭琮陳叔寶脩其宗祀官給器物

齊州刺史盧賁坐民饑閉糶除名

乙隋 開皇十五年

收天下兵器

鑿底柱

敕盜邊糧升以上皆斬

詔文武官以四考受代

丙隋 開皇十六年

初制工商不得仕進

詔死罪三奏然後行刑

丁巳

隋開皇十七年

詔諸司論屬官罪聽律外決杖

戊午

隋開皇十八年

高麗寇遼西遣漢王諒討之

隋伐高麗始于此

禁畜猫鬼

置行宮十二所

書行宮始此

己未

隋開皇十九年

遣楊素等分道伐突厥

隋主聽獨孤后諧除左僕射高頰名

庚申

隋開皇二十年

隋主遣晉王廣擊突厥

隋主聽獨孤后諧廢太子勇為庶人

立子廣為太子是日天下地震

辛酉

隋仁壽元年

春二月朔日有食之

夏六月大雷風雨宜君湫水移於始平

廢太學及州縣學尋改國子學為太學

壬戌 (隋) 仁壽二年

廢蜀王秀為庶人

獨孤后死

癸亥 (隋) 仁壽三年

詔父存喪母不宜有練

龍門王通獻策

甲子 (隋) 仁壽四年

夏六月有星入月

長人見于鴈門

史綱卷十五

隋主堅有疾其子廣弒之而自立煬帝殺故

太子勇

以洛陽為東京

漢王諒以討楊素為名舉兵

隋煬帝諱廣文帝子

乙丑 (隋) 主廣大業元年

命楊素營東京宮室

開通濟渠引汴水開邦溝入淮置離宮造龍

舟

大破林邑

築西苑

秋八月廣如江都

書隋煬帝名者何用莽温例也弑父之賊
與弑君之罪同科

丙寅 大業二年

始建進士科

後世進士之科始此

楊素死

置洛口回洛倉

徵天下散樂

丁卯 隋 大業三年

春正月長星竟天

二月彗星見

廣殺故太子子八人

改州為郡

廣北巡次榆林郡突厥可汗來朝

築長城

殺太常卿高穎尚書宇文弼光祿大夫賀若

弼免僕射蘇威官

以裴矩為黃門侍郎經畧西域

戊辰

隋 大業四年

開永濟渠

如五原遂巡長城

復築長城

秋九月彗星見

巳巳

隋 大業五年

改東京為東都

禁民間兵器

廣巡河右遣兵擊吐谷渾西域諸國來朝置

西海等郡

隋書卷十五

殺司隸大夫薛道衡

庚午

隋 大業六年

盜入建國門

諸蕃來朝陳百戲以示之

遣兵擊流求

流求之名始見于此

以王世充領江都宮監

穿京口至餘杭河

徵高麗王元入朝不至

辛未

隋 大業七年

隋主自將擊高麗徵天下兵會涿郡

不書煬帝名而書隋主何對夷而言主雖無道中國君也

山東河南大水

底柱崩堰河逆流

王薄張金稱高士達竇建德等兵起

申壬隋大業八年

分西突厥為三部

大發天下兵百餘萬遣諸軍分道擊高麗

宇文述等九軍大敗於薩水而還遂班師

山東大旱

史記卷十五

三十三

逆賊張衡伏誅

張衡之死煬帝殺之耳何以書誅况衡之

躬行弒逆為煬帝所使也在他人則可書

誅廣乃首惡之人烏得而誅之哉夫衡為

人之臣則弒其君又為人之子弒其人之

父以奸天位所謂元惡大憝人人得而誅

之者也是時天下無君矣而居君之位者

廣也天假廣之位以殺衡雖廣殺也實天

誅之也然衡可誅則廣之罪不言可知矣

衛臨死大言曰我為人作何等事而望以活後之人尚監張衡茲言勿為人作此等逆天悖理之事事不成則駢首以同戮事幸成則殺身以滅口

酉癸

隋 大業九年

復徵天下兵集涿郡始募民為驍果

隋主復自將擊高麗

楚公楊玄感起兵黎陽圍東都

攻遼東城久不克聞玄感亂引軍還

劉元進起兵餘杭

楊玄感敗死

以唐公李淵為弘化留守

杜伏威起兵掠江淮

甲戌

隋 大業十年

復徵天下兵擊高麗

高麗遣使請降

冬十一月祀南郊大風

離石汲郡兵起

太史令庾質以直諫被殺

乙亥

隋 大業十一年

增秘書省官百二十員

以讖殺郿公李渾夷其族

孔雀集朝堂群臣以爲鸞稱賀

以李淵爲山西河東撫慰大使

巡北邊突厥入寇圍之於鴈門尋解

令江都更造龍舟

李子通起兵東海

朱粲起兵城父

丙子隋大業十二年

分遣使者十二道發兵擊諸起兵者

大業殿災

夏五月朔日有食之既

納言蘇威以言盜賊除名

廣如江都殺諫者任宗崔民象王愛仁

翟讓李密兵起

林士弘建號于江南稱楚

以李淵爲太原留守

張金稱敗死竇建德收其衆取饒陽

羅藝起兵涿郡

丁丑隋大業十三年

竇建德稱長樂王

魯郡徐圓朗兵起

翟讓李密據興洛倉擊敗東都兵讓推密稱

魏公

劉武周起兵馬邑取汾陽宮突厥立武周為
定楊可汗尋建號

梁師都起兵朔方建號稱梁

薛舉起兵隴西稱西秦霸王尋建號稱秦

李密攻東都入其郭

唐公李淵起兵太原遣使稱臣於突厥請兵

中國稱臣於夷狄始此

史綱卷十五

二十六

李軌起兵河西稱涼王

李密取黎陽倉

柴紹妻李氏及李神通段綸各起兵應淵

李淵入關群盜悉降

蕭銑起兵巴陵稱梁王

李淵克長安約法十二條除隋苛禁

李密殺翟讓

李淵立代王侑自為大丞相唐王淵以子建
成為唐王世子世民為秦公元吉為齊公

嗚呼唐室之興庶幾乎正矣乃狃於見聞之故而蹈昔人竊篡之故智實有欲得之心而又立幼君以輔之自爲大丞相加殊禮然後取焉曷不於起兵之初傳檄天下聲隋廣弑逆之罪數其滯虐之惡播告四方興弔民問罪之師豈不名正而言順理直而氣壯哉則其得國也雖不能如湯武之正然亦庶幾矣惜乎一時君臣不明大義此其創業所以不及漢高也歟然其得國比之於他則固優矣

河池太守蕭瑀以郡降唐

屈突通降唐唐遣通招河東通守堯君素不
下

唐王淵遣使徇巴蜀下之

隋恭帝

諱侗
楊帝孫

戊寅

隋

太業十四年五月以後隋主侗皇泰元年
唐高祖神堯皇帝武德元年

李淵遣其子建成元吉徇東都

隋人殺楊廣于江都立秦王浩

蕭銑稱梁帝于江陵脩復園廟

唐王淵稱皇帝

唐罷郡置州以太守為刺史

隋越王侗立于東都

唐脩律令置學校

唐以其子世民為尚書令裴寂為右僕射知政事劉文靜為納言竇威蕭瑀為內史令

唐立四親廟

唐立建成為皇太子世民為秦王元吉為齊王

唐高祖之得天下大抵出於秦王也使無秦王高祖且不得安其祿位保其身家况

有天下之大哉高祖有言今日破家滅軀

亦由汝化家為國亦由汝是則唐三百年

之基業肇於秦王其當有天下無疑也高

祖於是時盍召建成明諭以其基業所由

興之故非世民無以有今日俾其明白推

讓則建成有讓國之美世民無推刃之慚

萬一建成不從則斷以大義封之遐阻之

地世民苦遜則質以至誠察其由衷之言

至再至三表裏面背始終無間然後定儲

貳之位必至於兩全而後已則父子之道

得兄弟之好終君臣之分定而國家安於磐石矣

唐主淵廢隋主侑為鄴國公而選用其宗室
范祖禹曰唐高祖錄隋之子孫由漢以來
最為忠厚其享國長世宜哉

唐以萬年縣法曹孫伏伽諫擢治書侍御史
賜帛三百匹

范祖禹曰天下之勢如人一身必血氣周
流無壅而後能存諫者使下情上通上意
下達如氣血周流於一身也故言路開則
治言路塞則亡唐高祖鑒隋之所以亡首
闢言路可謂知所先務矣

唐以陳叔達為納言

李密降隋主侗

薛舉卒子仁果嗣唐擊之仁果降唐唐斬之
李密與隋戰敗降唐

隋宇文文化及弒其主浩僭號稱許
冬十月朔日有食之

朱粲建號稱楚

隋王世充自為太尉尚書令

李執建號稱涼

徐世勣降唐賜姓李氏

唐遣李密收撫山東

竇建德稱夏王

唐以世民為陝東大行臺

河東人以城降唐隋守將堯君素死之

李密叛唐討斬之

高開道據漁陽稱燕王

唐以監察御史李素立執法擢侍御史

唐以舞胡安叱奴為散騎侍郎

巳卯

隋

隋皇泰二年
唐武德二年

唐定租庸調法

有田則有租有身則有庸有戶則有調每

丁租二石絹二匹綿三兩自茲以外不得

橫斂

唐令文武官終喪

唐置宗師以攝總宗姓

朱粲降唐既而奔東都

竇建德誅宇文文化及

隋宇文士及封德彝降唐唐以士及為上儀

同德彛為內史侍郎

王世充將秦叔寶程知節降唐

王世充篡位稱鄭廢隋主伺為潞國公尋弑

之

唐執李軌河西平

唐各立周公孔子廟于國子監

唐初置十二軍統關內諸府

唐殺其民部尚書劉文靜

沈法興稱梁王于毘陵

李子通建號于江都稱吳

杜伏威降唐

唐以李綱為太子少保

竇建德克唐黎陽虜李神通李世勣以父為

所執往降之

李世勣虜劉黑闥以獻竇建德

世史正綱卷十六

巳集

○唐世史

姓李氏
都長安

高祖皇帝

諱淵

唐高祖神堯皇帝武德三年

綱目武德七年始以大統予唐此大書於
三年何夫隋既亡則大統在唐矣彼竇建
德之徒乃竊盜耳人心所歸是之謂王當
時天下人心歸唐久矣群盜固非其倫况
其未久又皆敗亡也哉

李世勣復來歸

突厥立揚政道為隋王

改官名以納言為侍中內史令為中書令

秦王世民大破宋金剛尉遲敬德降金剛及

劉武周皆走死

命瘞州縣暴骨

帝聽妖人言立老子廟

遣秦王世民督諸軍伐鄭

高開道遣使來降

鄭遣使乞師于夏

吳敗梁兵取京口杜伏威擊之李子通敗走

蒙沈法興法興走死

時唐武德四年

秦王世民圍王世充于洛陽竇建德將兵救之世民擒建德世充降

秦王世民獻俘太廟赦王世充斬竇建德廢五銖錢

初行開通元寶錢

後世錢文用寶字始此五銖之後惟此錢輕重大小最為折中徑八分積十錢重一兩後世三銖四銖當十當千之類皆行之

不久惟此錢至今猶用之為千百年無窮之利

大赦給復一年

竇建德故將劉黑闥起兵漳南徐圓胡應之秋八月朔日有食之

括戶口

特置天策上將以授秦王世民世民開館延文學之士房玄齡等十八人分番進講

世傳十八學士登瀛洲蓋本諸此是時高祖在御建成為太子固無恙也而高祖乃

為秦王特置天策上將開府置屬而秦王
又自開館以延文學之士彼自延其府僚
各仍本官所謂記室參軍典籤之屬相與
講學而論治可也君父在上乃舍其職名
別立稱謂至形於丹青著為贊頌互相標
榜欲何為哉昔漢武帝為戾太子立博望
苑通賓客從其所好司馬氏猶謂正直難
親謂諛易合此固中人之常情宜太子之
不終也夫太子國之儲貳國乃其國君父
為之立苑通賓客謹微之君子猶以為非
况太宗乃藩王功高望重處危疑之地而
可使之日夜聚徒黨乎在太宗非遵養之
道在高祖非教子之法而非所以安儲
位定國家也其後建成兄弟互相傾奪太
宗幾危而所以為太宗設謀効力以成其
基業者皆天策府中之人遂至推刃同氣
喋血禁庭以貽百世之譏太宗為三代以
後之令主而不免有慙德亦或以此哉
遣李孝恭李靖伐梁梁主蕭銑降以歸殺之
杜伏威執李子通送長安

劉黑闥取定州總管李玄通死之
高開道叛稱燕王尋為其下所殺

冬十一月有事于南郊

命秦王世民齊王元吉擊劉黑闥

壬午唐武德五年

劉黑闥稱漢東王

秦王世民破劉黑闥黑闥奔突厥引突厥入
寇

秦王世民討徐圓朗杜伏威入朝

馮盎以所部嶺南八州來降

突厥入寇連破之遣使說頡利引兵還

林士弘卒其眾遂散

遣太子建成擊劉黑闥黑闥亡走

癸未唐武德六年

劉黑闥為其下所執以降斬之

以裴寂蕭瑀為僕射楊恭仁封德彝為中書

令

輔公柝反尋斬之

置屯田于并州

冬十二月朔日有食之

武德七年

州置大中正

封高麗王建武為遼東王

置州縣鄉學

帝視國子監釋奠于先聖先師

改大總管府為大都督府

初定內外官制居官以五歲為限

頒新律令

初定口分世業法

制食祿之家不得與民爭利工商雜類無預

士伍

胡寅曰食祿之家無得與民爭利此以廉
恥待士大夫之美政也然古之仕者世祿
故仕則不稼後世用人不慎外黜無常則
此制將有不可行者必也仕者視其品而
給之田進而任用則有祿以酬其勞置而
不用則有田以資其生必有大罪然後收
其田里如此則不特爭利之法可行而廉
恥之風益勸矣

突厥入寇遣秦王世民將兵禦之突厥受盟

而還

配唐武德八年

詔許突厥吐谷渾互市

西突厥遣使請昏許之

復置十二軍

令太府檢校諸州權量

加秦王世民中書令

成唐武德九年

詔太常少卿祖孝孫定雅樂

春二月有星孛于胃昴又孛于卷舌

初令州縣里閭各祀社稷

沙汰僧道省寺觀

夏六月丁巳太白經天己未太白復經天

秦王世民弒太子建成誅齊王元吉并殺其

子十人世民立為皇太子決軍國事

范祖禹謂為唐史者書曰秦王世民殺皇

太子建成齊王元吉立世民為皇太子則

太宗之罪著矣綱目從之今書秦王世民

弒太子建成何蓋世民於建成以家言則

兄也家之宗子也以國言則儲君也天子

之副貳也。自高祖爲唐王時，已立建成爲王世子，及即帝位，又進爲皇太子矣。君臣之分已定，書之以弑彼，又何辭。然則爲太宗計，柰何。觀高祖謂太宗有曰：首建大謀，削平海內，皆汝之功。吾欲立汝爲嗣，而汝固辭，則高祖本意固欲立太宗也。太宗於是時，誠念天顯，以爲兄弟雖異形，而實原於父母之一氣，在彼猶在此也。真心推讓，退處藩服，是故無得而議矣。若不能然，揣之於己，勢有不容已。量之於彼，力有不足。任則承高祖見命之意，而不爲虛辭，以爲讓。恬然居之，而不疑焉。則彼雖有辭，而吾得以父命爲據矣。不知出此，而父子兄弟之間，詭言僞貌，以相臨，強顏虛意，以相容。懷機蓄智，以相待。一旦事激勢逼，遂至喋血禁庭，推刃同氣，以貽千古之譏。其爲太宗累也大矣。或曰：溫公謂太宗始欲俟其先發，然後應之。如此，則事非獲已，猶爲愈也。嗚呼！天理民彝，至真至切，不容一毫人爲智術之私。俟之應之之言，豈所以施於

骨肉手足之親哉若夫元吉以殺書而此
加以誅何蓋元吉之於二人均之爲兄也
爲元吉計則當開導而和解之使之各止
其所而兩全可也而元吉乃陰與建成圖
害太宗幸其事成爲異日并圖建成之地
則是元吉非但得罪於太宗乃得罪於唐
之宗社也非但太宗之罪人亦建成之罪
人也其罪蓋不容誅矣若槩與建成一例
書殺豈不失輕重之倫哉

復興僧道

史記卷十六

八

以魏徵王珪爲諫議大夫

帝自稱太上皇

廬江王瑗反王君廓殺之賜以瑗家口

以高士廉爲侍中房玄齡宇文士及爲中書
令蕭瑀封德彝爲僕射

秋八月皇太子世民卽位

是爲太宗

放宮女三千餘人

立妃長孫氏爲皇后

突厥入寇盟于便橋而退

定勲臣爵邑

禁淫祀雜占

置弘文館聚書籍選文學之士虞世南等更

日宿直

冬十月朔日有食之

立子承乾為皇太子

降宗室郡王為縣公

景州錄事參軍張道素以言政道擢侍御史

前幽州刺史張道素上大寶箴以為大理丞

太宗皇帝諱世民

訂曆太宗文武皇帝貞觀元年

制諫官隨宰相入閣議事

更定律令

分天下為十道

因山川形便分為十道曰關內河南河東

河北山南隴右淮南江南劔南嶺南

皇后帥內外命婦親蠶

春閏三月朔日有食之

命京官五品以上更宿中書內省

封德彝死

以蕭瑀為左僕射長孫無忌為右僕射

秋九月朔日有食之

以御史大夫杜淹參預朝政

以他官預政始此

以孫伏伽直諫擢為諫議大夫

令吏部四時選集併省吏員

張貞觀二年

罷周公祠始以孔子為先聖顏回為先師

此後世學校專祀孔子之始前此所謂先

聖者周公也先師者孔子也後世特以顏

子配享孔子亦始于是晉宋以至於隋雖

亦專祀孔顏然未為定制也至是始定焉

春三月朔日有食之

關內旱饑遣使贖饑民當子者大赦

詔收瘞隋末暴骸

梁師都為其下所殺

隋末群盜至是盡滅

祖孝孫奏唐雅樂

殺瀛州刺史盧祖尚

復出宮女三千餘人

冬十一月有事于南郊

以王珪為侍中

詔舉堪為縣令者

配禮貞觀三年

春正月耕籍東郊

以房玄齡杜如晦為左右僕射魏徵守秘書
監參預朝政

上皇徙居大安宮

中郎將常何薦馬周以為監察御史賜何絹
三百匹

秋八月朔日有食之

遣李靖統諸將分道討突厥

突厥突利可汗入朝

庚庚貞觀四年

春正月朔日有食之

以溫彥博為中書令戴胄參預朝政蕭瑀參
議朝政

帝從四夷請稱天可汗

蔡公杜如晦卒

行軍副總管張寶相擒突厥頡利可汗以獻
脩洛陽宮張玄素諫罷之

秋七月朔日有食之

勅百司詔勅未便者許執奏

詔定常服差等

三品以上服紫四品五品服緋六品七品

服綠八品服青

以李靖為右僕射

以侯君集參議朝政

除鞭背刑

高昌王麴文泰入朝

大有年

史綱卷十六

十三

辛卯 貞觀五年

詔僧道致拜父母

以金帛賜突厥贖男女八萬口

殺大理丞張蘊古

詔議封建

冬十一月有事于南郊

開党項地為十六州

制自今決死刑者皆覆奏決日徹樂減膳

壬辰 貞觀六年

春正月朔日有食之

群臣請封禪不許

置三師官

詔天下行鄉飲酒禮

省內外官定制為七百三十員

癸巳唐貞觀七年

以魏徵為侍中

造渾天黃道儀

縱死囚還其家復來歸獄詔赦之

歐陽脩曰堯舜三代之治必本於人情不

立異以為高不逆情以干譽

史綱卷十六

十三

頒新定五經于天下

以長孫無忌為司空

帝奉太上皇置酒未央宮

甲午唐貞觀八年

遣黜陟大使分行天下

夏五月朔日有食之

營大明宮

李靖罷為特進三二日至中書平章政事

平章政事之名始此

吐蕃遣使入貢

此吐蕃通中國之始

中牟尉皇甫德參直言以為監察御史

杞(唐)貞觀九年

分民貲為九等

夏閏四月朔日有食之

五月庚子太上皇崩于垂拱前殿在位七十二年

李靖擊吐谷渾破之

詔禮官議廟制

冬十月葬高祖于獻陵

以蕭瑀為特進參預政事

輒(唐)貞觀十年

以荆王元景等為諸州都督

以溫彥博為右僕射楊師道為侍中魏徵為

特進知門下省事

皇后長孫氏崩

禁上書告訐者

按太宗謂羣臣曰朕開直言之路以利國也而比來上封事者多訐人細事自今復有為是者朕當以讒人罪之范祖禹曰太宗欲聞直言而惡告訐可謂明且遠矣此

爲君爲長之道也朱子書此於綱目以警
悟萬世人君使知過絕朋奸保全善類

治書侍御史權萬紀以言采銀黜之

定十道府兵之制

丁酉 貞觀十一年

定律令格敕

帝幸顯仁宮以魏徵諫而自省

春三月朔日有食之

詔行新禮

南平公主適王敬直始行婦禮

史綱卷五十六

十五

古者王姬下嫁於諸侯車服不繫其夫下

王后一等猶執婦道以成肅離之德蓋不

敢挾貴以驕其夫也自秦以後天子之女

乃爲尊貴之稱曰主易其嫁娶之名曰尚

夫屈於妻舅姑下於婦父母不得畜其子

逆人倫之理反陰陽之常推原其故蓋始

於秦人尊君卑臣其來久矣至唐太宗女

適王珪子始與其妻坐受公主執笄鹽饋

是後公主始行婦禮是雖珪之知禮亦由

太宗盛德有以容之也太宗女又有襄城

公主者適蕭瑀子帝欲為起第主辭曰婦
事舅姑如子事父母定省朝夕所以養也
而容別居據何理也觀其所言雖曰女子
其天資之明識趣之高可敬也或曰後世
欲為公主之制當如何而可曰品式儀衛
畧如藩王之制親族姻婭一遵人家之禮
以宗室及功臣為諸州世襲刺史
秋七月穀洛溢詔百官極言過失

以武士殺女為才人

戊唐貞觀十二年

頡氏族志

贈隋堯君素蒲州刺史

春閏二月初日有食之

以高士廉為右僕射

吐蕃寇松州遣侯君集擊之

唐吐蕃之禍始于此

突厥分為兩可汗

紀唐貞觀十三年

加房玄齡太子少師領度支

永寧公王珪卒

停世封刺史

帝如九成宮中郎將突厥結社率夜襲御營
伏誅

夏五月旱詔五品以上言事魏徵上疏論十
漸

立李思摩為突厥可汗帥種落還舊部

秋八月朔日有食之

以楊師道為中書令劉洎黃門侍郎參知政
事

參知政事之名始此

太史令傅奕卒

唐貞觀十四年

帝視國子監命祭酒孔穎達講孝經增築學
舍增廣生員

命孔穎達會諸儒撰五經正義

侯君集擊高昌滅之以其地為西州置安西
都護府

詔更定喪服之制

唐貞觀十五年

以帝女嫁吐蕃

命吕才判定宅葬祿命等書

夏五月有星孛于太微從褚遂良請罷明年封禪

起復于志寧為太子詹事

書起復始見于此

遣陳大德使高麗

并州長史李世勣守邊有功以為兵部尚書

薛延陀攻突厥遣李世勣討破之

寅唐貞觀十六年

括浮民附籍

以岑文本專知機密

詔太子用庫物有司勿為限制

以長孫無忌為司徒房玄齡為司空

宇文士及死

高麗泉蓋蘇文弑其王建武

癸卯唐貞觀十七年

帝臨魏徵第視疾

鄭公魏徵卒帝為製碑

圖功臣于凌煙閣

帝命圖畫功臣長孫無忌趙郡王孝恭杜

如晦魏徵房玄齡高士廉尉遲敬德李靖
蕭瑀段志玄劉弘基屈突通殷開山柴紹
長孫順德張亮侯君集張公謹程知節虞
世南劉政會唐儉李世勣秦叔寶凡二十
四人

皇太子承乾謀反廢為庶人立晉王治為皇
太子是魏王泰為東萊郡王

制自今太子失道藩王窺伺者兩棄之

侯君集伏誅而有其妻子

以長孫無忌兼太子太師太玄齡兼太傅蕭

瑀為太保李世勣為詹事瑀世勣並同中書

門下三品

同三品之名始此

制太子見三師儀

黃門侍郎劉洎以太子希見言宜勤學問親

師友

夏六月朔日有食之

遣使冊高麗王藏為遼東郡王

陪魏徵碑

房玄齡等上高祖今上實錄

新羅乞兵伐高麗遣使諭之蓋蘇文不奉命
謀征高麗李世勣勸之褚遂良諫不聽
詔黜封德彝贈諡

甲寅貞觀十八年

以劉洎為侍中岑文本馬周為中書令
以褚遂良為黃門侍郎參預朝政

郭孝恪擊焉耆執其二

高麗遣使入貢不受

冬十月朔日有食之

帝如洛陽

以張亮李世勣為行軍大總管下詔諭天下

親征高麗

乙巳唐貞觀十九年

春正月帝發洛陽

封比干墓

李世勣等拔蓋牟等城

以所克高麗城置遼州巖州

秋九月攻安市城不下詔班師

遣使祀魏徵復立所踣碑

祭戰亡士卒

贖諸軍所虜高麗民萬四千口

殺侍中劉洎

午丙唐貞觀二十年

遣大理卿孫伏伽等以六條察四方

帝還京師

詔皇太子聽政

殺刑部尚書張亮

春閏三月朔日有食之

遣李世勣擊薛延陀降之勅勸諸部遣使請

吏籍

史綱卷十六

二十一

蕭瑀乞為僧貶商州刺史

冬十二月帝生日罷燕樂

幸芳玄齡第

打唐貞觀二十一年

以勅勸諸部為州府其酋長為都督刺史

范祖禹曰先王御夷狄不以利誘不以威

脇故不勞民不費財至於後世之君或離

疾而欲殄滅之或愛悅而欲招來之二者

皆非也何則彼夷狄亦人類也王者於天

地間物無所不養况人類而欲殘之乎殘

之固不可况不能勝而欲自殘其民乎仁
人之所不為也為之者秦始皇是也山川
之所限風氣之所移得其地不可居得其
民不可使列為州縣是崇虛名而受實弊
也且得之既以為功則失之必以為恥其
失之不在已則在子孫故有征討之勞鎖
餉之煩民不堪命而繼之以亡隋煬帝是
也人君類忽近而喜遠厭故而謀新雖或
未至於亡而常與之同事其累德豈細哉
皇太子釋菜于太學

始以左丘明等二十二人從祀孔子

此後世以儒先從祀孔子廟庭之始左丘
明卜子夏公羊高穀梁赤伏勝高堂生戴
聖毛萇孔安國劉向鄭眾杜子春馬融盧
植鄭玄服虔何休王肅王弼杜預范甯賈
逵也

復伐高麗以牛進達李世勣為行軍大總管
立故巢刺王妃所生皇太子明為曹王尋以繼
刺王後

發江南工人造大舡

遣將擊龜茲尋執其王

貞觀二十二年

作帝範以賜太子

以崔仁師為中書侍郎參知機務

遣薛萬徹擊高麗

以長孫無忌檢校中書令

克容徐氏上書諫征伐營繕

遣使往天竺因襲鑿之執其王

以讖言殺武衛將軍李君羨

司空梁公房玄齡卒遣表諫伐高麗

秋八月朔日有食之

以褚遂良為中書令

回紇吐迷度為其下所殺詔立其子娑闐

回紇始見于此

貞觀二十三年

春三月帝有疾詔太子聽政

夏四月帝如翠微宮

出李世勣為豐州都督

衛公李靖卒

己巳帝崩于含風殿長孫無忌褚遂良受遺

詔輔皇太子還宮發喪莊位五十三三年

罷遼東兵

以于志寧張行成為侍中高季輔為中書令

六月皇太子治卽位高宗為

改官名犯先帝諱者

周人以諱事神故於先世之諱祭祀之際

尤嚴焉然禮不諱嫌名二名不偏諱詩書

不諱後世乃至以理易治以代易世諱晉

而不稱進士之名諱祖而併改音完之字

則太甚矣雖然臨文讀書嫌名二名固可

以不諱也若夫命名之際則不可不謹焉

夫嫌名固不諱矣若姓同於國者名字偶

有犯於嫌音疑似之間可但已乎二名固

不諱矣然以祖宗廟諱為己之名稱及以

命其子孫可乎故雖君上不為之禁而凡

為臣子者心有所不安則耳有所不忍聞

口有所不忍道也

以長孫無忌為太尉徵李勣還為開府儀同

三司並同三品

秋八月河東地震晉州尤甚

以李勣為左僕射

葬昭陵

冬十一月晉州地再震



世史正綱卷十六

二十五

世史正綱卷十六



10411

